

17 NOVEMA 2022

**Auivi fou e lelei atili ai le lagolagoina o tamaiti e pito maualuga manaoga**

- **AFIOGA JAN TINETTI**

Na faasilasila e le Afioga Jan Tinetti, le folafola ai e le Malo o le tau atiaeina o se faiga faavae e lelei atili ai le lagolagoina o tatou fanau ma tupulaga laiti e pito maualuga manaoga.

Na faalauiloa le Iloiloga o Manaoga Pito Maualuga ia Aperila 2021 ma o talu ai nei na faamae'a ai lea vaega, ma e 1100 talosaga tusia na maua mai ai.

Na ta'ua e Jan Tinetti, "Ua avea manatu na faaalia mai le iloiloga na fai, ua talia ai e le Malo suiga tetele e faamautinoa ai le ausia o manaoga pito maualuga o tamaiti aoga e faatatau i ai."

"E \$1.2 piliona na faafaigaluega i tausaga taitasi mo fesoasoani e moomia i aoaoga, ma e le o lilo ia i matou e le o maopoopo le fesoasoani o lo o maua mo i latou e pito maualuga manaoga ma o le toatele o tatou fanau e le o maua le lagolagosua o latou moomia, i le vaitaimi tonu o moomia ai.

"O le a saunia se auivi e tele vala o maua ai e faamautinoa ai le onomea ma le fetaui o le faiga faavae e maua ai le galulue faapaaga i le va o tamaiti aoga, o latou aiga ma le aoga amata po o le aoga. O se avanoa lea e maua ai e tamaiti aoga ma aiga le tele o auala e faia i ai filifiliga fai ma taupule le taatiaga o le lagolagosua e sili na lelei mo i latou," o le saunoaga lea a Jan Tinetti.

"O le faamanino lelei o tulaga patino e lagolagoina tamaiti aoga e pito maualuga manaoga o se faamuamua autu lea i le Government's Learning Support Action Plan 2019-25.

O le a aofia i le faiga faavae lenei laasaga e fitu mo suiga o faamoemoe atu i ai:

1. O se faiga faavae fou e faataunuina auaunaga;
2. Lagolagosua patino;
3. O se sootaga tuufaatasia ma e tau aofia uma ai;
4. Lagolagosua mo taumafaiga i aoga mo tamaiti aoga Māori ma tamaiti aoga Pasifika ma o latou aiga ma e saunia lava e tagata Māori ma tagata Pasifika;
5. O se aufaigaluega e atagia ai le talitonuga mautinoa, agavaa ma gafatia na tali atu;
6. O se faiga fou mo fesoasoani tupe e lagolagoina ai faiga e patino ma e mafai na fetuutuunai; ma le
7. Atili malosi o fesootaiga ma isi faalapotopotoga.

"E mauaa ma malosi faiga e tau atiae ai suiga i se vaitaimi lata mai faasolo atu i se vaitaimi umi ma e tatau le tapena mae'ae'a i ai, faatasi ma le faafaigaluega o atinae tetele ma le faatumauina.

O le a galulue faatasi le Matagaluega o Aoga ma Whaikaha e saunia se taatiaga ma le faavaeina o le faiga faavae fou ma tuuina atu se lipoti i le Minisita i le ogatotonu o le tausaga fou.

"O le faamoemoe ia faatumauina le aogā o suiga. I le vaitaimi o lata mai, a o tau atiae se taatiaga o le faiga faavae fou, o le a faia e le Matagaluega o Aoga se faiga e faafaigofie ai le faiga faavae o faaaoga nei ina ia atili faigofie na maua e tamaiti ma o latou aiga le lagolagosua o latou moomia.

"O le a lagolagoina foi le aufaigaluega o galulue faafafiaoga e auai i aoaoga e atiae ai tomai faafaigaluega auā le siitia o agavaa ma le talitonuga mautinoa e galulue faatasi ai ma tamaiti e maualuga manaoga.

“E momoli la’u faafetai i tagata uma – e aofia ai matua, faiaoga, vaega mo tagata e iai manaoga faapitoa ma isi faalapotopotoga e aofia ai le Komiti Faufautua - na maua mai ai motugaafa i le faagasologa o le iloiloga na faia nei. Na aogā manatu uma na faaalia,” o le saunoaga lea a le Afioga Jan Tinetti.

E mafai na e faitau i le lipoti o le Iloiloga o Manaoga Pito Maualuga, na tuufaatasia e le NZCER:  
link <https://www.education.govt.nz/highest-needs-change-programme>